



## Orongaanga Raitini

### Ka akamarama atu teia kura akakitekite i te au takaianga no te peapa patianganga tikaanga e te akatikaanga i te raitini ranga

Me anoano tetai kamupani i te ranga i te runanga moana i te Kuki Airani nei, ka inangaroia aia kia tuku mai i tana patianganga ki te Kopapa Akatere. Na te raitini ranga e oronga i te tikaanga ki te kamupani kia rave tetai au angaanga mei te mapuanga i te papa moana, koianga i te tuitui moana (nodule) e pera tetai au manumanu moana. Ko te au manako te ka rauka mai no roto i teia kimikimianga e mea puapinga maata te reira.

#### KUA TUKUIA MAI TETAI TĀVITINGA

Ka akamata te takaianga o te orongaanga raitini me tuku mai tetai tangata/putuputuanga i tana patianganga no tetai raitini ranga ki te Kopapa Akatere o te Runanga Takere Moana na runga i te kupe aorangi ([www.sbma.gov.ck](http://www.sbma.gov.ck)) Ka anoano katoaia te peapa patianganga kia tukuia mai.

E maata te au takaianga ta te peapa patianganga ka na roto no te akarakara e te paunuanga i te reira.

#### Reinga 1: Kua tau ainei te patianganga?

Me eeua tetai tikiro patianganga ka akara matatio te Kopapa Akatere me kua tau te reira.

Ka arikiia te patianganga me aruia teia au takaianga i raro nei:

- Kua oronga mai i te au tataanga/ aenga peapa tei anoanoia (me kare i orongaia mai, ka patiiia atu te reira)
- Kua tutakiiia te moni pira o te patianganga
- Ko te tuanga ta te tangata/putuputuanga e pati nei kua va te reira (koia oki ko te tuanga e orongaia nei)



Me kua aruia teia au takaianga i runga nei ka nekeia atu te patianganga ki te takaianga o te Akapapuanga. Ka rauka i te Kopapa Akatere i te akaoki i te patianganga me kare i aruia te au tuanga tei anoanoia

#### Reinga 2: Kua aruia ainei te au tuanga akapapuanga?

Ka pou te 30 ra i teia tuanga (me kare roa atu) e ka akapapu mai te reira e, me kua aru te tangata/putuputuanga nana te patianganga i te au takaianga. Ka atui mai te tuanga kimikimianga e te paunuanga moni tei oronga mai i te patianganga e ko te tangata nana te patianganga, e tangata maroiroi e ka



tau i te angaanga ki roto i te tuanga moana o te Kuki Airani.

Ka kimi matatio te Kopapa Akatere e pera tetai au tipatimani i roto i te kavamani e pera tetai au taunga kite pakari ki roto i teia au tuanga ma te akapapu i teia au manako puapinga (rekoti kauraro, tuanga kimi puapinga, tipatimani tuketuke e pera te au akatere tutara e te vai atura) tei orongaia mai e te tangata nana te patianganga.

Me aruia teia au anoano nei e te tangata nana te patianganga ka tukuia teia patianganga ki te iti tangata e ka tuku katoaia ki te Kopapa Raitini. Me kare ra, ka patoia te patianganga e te Kopapa Akatere.

#### Reinga 3: Karere ki te iti tangata


Ka akakiteia te patianganga ki te iti tangata e ka orongaia te tikaanga no ratou i te tuku mai i to ratou au manako ki te Kopapa Akatere ki roto i te tai marama. E i roto i te reira tuatau ka uriuri te Kopapa Akatere ki te Kopapa o te Korona e pera te Tuanga Taporoporo no runga i te au manamanata ao natura te ka anoanoia te akatikaanga a te Konitara Metua o te Ao Rangi.

Ka tuku te Kopapa Akatere i te ripoti tei akatanoia ki te Kopapa Raitini.



#### Reinga 4: Ta te kopapa raitini akakoukouanga i te patianganga.


Ka paunuia e kua akarakaraia te au patianganga katoatoa e te au taunga kite pakari tei kapikiia e ko te Kopapa Raitini. Ka taangaanga teia kopapa i to ratou karape i te paunu marie me kua tau teia patianganga i te au akaueanga i roto i te ture nui, te ture iti e te Tikaanga Angaanga. Me oti te patianganga i te akarakaraia ka tuku te Kopapa Raitini i ta ratou tamanakoanga ki te Minita no te akatika me kare patoi i te patianganga.





## Reinga 5: Te au tamanakoanga a te Kopapa Raitini

Me rauka mai te tamanakoanga a te Kopapa Raitini ka tuku i reira te Minita i tana akapapuanga. Me kua tamanako te Kopapa Raitini e kia tipuia te raitini, ka aru te Minita i te reira tukuanga tika.



Me ko te tamanakoanga ra e kia akatikaia te raitini ka tuku i reira te Minita i tana akatikaanga, me kare ra te Minita e akatika ka akaokiia te reira ki te Kopapa Raitini kia akarakara akaou. Me tae ake i te tuatau e kua akatika te Minita i te raitini ka tukuia i reira te karere ki te Kopapa Akatere kia teateamamao i te tataanga mua o te raitini.

## Reinga 6: Teateamamaoanga i te tataanga mua o te raitini.

Ka tata te Kopapa Akatere i te tataanga mua o te raitini ma te aru i te akaraanga tataanga raitini ki roto i te Runanga Takere Moana (Ture iti no te Kimikimi Matatio 2020) Ko te au akauenga na te Minita te reira e akapapu e ka tukuia te reira ki te tangata tei manuia kia akarakara akaou. Me akapapua te tataanga mua kua akaotia i reira te raitini e ka tukuia atu ki ko i te Ruru Minita.



## Reinga 7: Tukuanga i te tika no te raitini

Na te Minita e te au mema paramani e uriuri e te turu i te au akaueanga o te raitini. Ka rauka i te au Ruru Minita i te tiki i te manako o te Opati o te Korona i mua ake ka akapapua ai te tukuanga tika.



## Reinga 8: Karere akakite ki te tangata tei manuia.

Ka akakite te Kopapa Akatere i te karere pumaana ki te tangata tei manuia i teia oronga ma te akatika katoaia te au akaueanga. Ka tainaia i reira te koreromotu e te Minita e pera te tangata tei manuia.



I teiane ka rauka i reira i te tangata mou raitini i te akamata i te angaanga kia kauraroia te au akaueanga ki roto i te raitini e te au tika ao rangi tei akatikaia e te Konitara Aorangi. Ka akakitekiteia atu te au angaanga tei tupu ki runga i te

